

PRUSA ad Olympum montem Ptol. ibid. Prusias lib. Conciliorum, hodie *Bursa* teste Bellonio, & *Cheris* Turcis. *Georgius* Prusiadis juxta Olympum montem in Bithynia subscripsit Concilio Nicæno primo.

PRÆNETUM Notitiæ antiquæ Græcæ. *Sisinnii* Præneti Episcopi subscriptio habetur in quinta Synodo generali.

¹ HELLENOPOLIS eidem Notitiæ. *Helena* Procop. lib. 1. de bello Persico: Drepanum est Ptolemæo ubi supra. *Palladii* hujus civitatis Præfulis mentio fit apud Socratem libro 7. hist. Eccles. cap. 35. & *Macrinus* Hellenopolis Bithyniæ subscripsit Concilio Nicæno primo.

BASILINOPOLIS eidem Notitiæ. ² *Gerontius* Basilinopolitanus Antistes interfuit Concilio Chalcedonensi.

APOLLONIAS eidem Notitiæ. *Gorgonium* Apolloniæ Bithyniæ Episcopum habet Concilium Nicænum primum.

³ HADRIANA eidem Notitiæ. *Hadrianopolis* lib. Concil. *Euthimius* Hadrianopolis Bithyniæ Episcopus eidem Concilio Nicæno primo subscripsit.

CÆSAREA, quæ & Smyrdiana Ptol. ubi supra. Ex ejus Episcopis ⁴ *Rufus* adfuit eidem Concilio Nicæno primo.

ARISTA dictæ Notitiæ, quæ *Aristium* libro Concil. *Paulus* Aristii civitatis Præful subscripsit Concilio Chalcedonensi.

PATAVIUM Ptolem. lib. 5. cap. 1. vulgò *Polmen* teste Molano. *Stephanus* Patavii Asiæ Antistes Concilio Romano 5. sub Symmacho subscripsit.

DABLIS Ptolem. ibid. *Policronius* hujus civitatis Præful in subscriptionibus ejusdem Concilii legitur.

NEOCÆSAREA Stephano de Urbib. *Olympius* Neocæsareæ Episcopus Concilio Constantinopolitano primo subscripsit inter Episcopos Bithyniæ.

CIUS Strab. lib. 12. ⁵ *Cyrillus* Episcopus Cii subscripsit Concilio Nicæno primo.

BITHYNIA ALTERA.

NICÆA Strab. lib. 12. vulgò *Nichea* Sophiano teste. ⁶ *Theognidis* & *Cristi* ejus Episcoporum meminit Theodoretus lib. 1. hist. Eccles. cap. 20. Metropolis autem facta est in Concilio Chalcedonensi, ut in ejus aet. 13. videre est. Unde *Anastasius* Relationi Synodi Constantinopolitanæ ad Hormisdam subscribens se Nicænsium Metropolitanam nominat. Non tamen ab initio suffraganeos habuit, ut in eodem Concilio legitur: sed tantum seculis posterioribus & circa tempora Concilii generalis sexti, in quo Bithyniæ secundæ, cui Nicænus Antistes præerat, memoria est.

APAMEA Ptolem. lib. 5. cap. 1. vulgò *Apami*. *Callinicus* Apameæ Bithyniæ Præful in Concilio Chalcedonensi legitur.

LINOE Notitiæ antiquæ Græcæ. Sed ejus Episcopum non legi ante *Anastasium*, qui Concilio generali sexto subscripsit.

GORDUS servorum eidem Notitiæ antiquæ. *Isidorus* Gordi servorum in Bithynia Concilio generali sexto interfuit.

Alias hujus provinciæ sedes recensent Notitiæ antiquæ huic operi subjungen-

NOTÆ LUCE HOLSTENII

¹ *Hellenopolis*] Hellenopolis &c. [*Helena* Procop. l. 1. de bello Pers.] & præsertim de ædificiis lib. 5. pag. 46. [*Palladii* &c. hist. Eccl. c. 35.] & Nicephorus Callistus lib. 14. cap. 39. translatus inde fuit Aspynam Galatiæ. vide supra pag. 249. sicut Alexander ejusdem Ecclesiæ Episcopus translatus fuit Hadrianos.

² *Gerontius* &c.] Dominicus Concilio CP. sub Menna.

³ *Hadriana*] Hadriani & Hadrianopolis distinguenda, quorum illa in Bithynia, hæc in Honoria.

de apud Hieroclem. Alexander Episcopus Helenopoleos translatus fuit eis Ἀδριανὸς teste Nicephoro Callisto lib. 14. cap. 39.

⁴ *Rufus* &c.] Paulus Constantinopolitan. sub Menna.

⁵ *Cyrillus* &c.] Hedisus Constantinopolitano sub Agapito & Menna, de quo infra in incertis Prov. Patriarchatus Hierosol.

⁶ *Theognidis* &c.] Eugenius ejus Episcopus fuit sub Valente Imperatore, ut est apud Philostorgium hist. Eccles. lib. 9. cap. 8.